

vng carnet Coste, et la somme de trente huyt liures quatre solz sept deniers (f° 87).

Ledit Morin doit auoir cent septante deux liures treze solz dix deniers tournois, que ledit Morin a poyé aux personnes cy apres nommées, pour despence faicte quant Joachim Mestre et sa compagnie volure entrer en ceste ville et plusieurs aultres affaires, assauoir iij liures v solz tournois à M^e Borbon, pour vin qu'il baillat pour bailler à boire aux gendarmes ainsi qu'ilz passeriontz à l'ospital; iij solz tournois à Jehan Royer dit Mouche pour pein; six solz à Auguste Sauoy pour pein; ij solz vi deniers tournois, à Auguste Gay pour chair; ix solz tournois à Pierre Roussin, pour chair; ii liures viii solz v deniers tournois, à Pierre Morin, pour despence faicte à Lyon pour amener lome de mons^r le seneschal; i sol vi deniers tournois, pour fruicte; iii solz tournois, à Loys Pere, pour luy et sa beste; xxx liures tournois pour le vin baillé à Mons^r de ceste ville...

Plus quatre liures cinq solz pour le garde porte de l'ospital des Granges et du Mesel (10), pour vng moys (f° 87. V°).

Ledit Morin doit auoir x solz tournois qu'il a payé au greffier pour la fasson de la reste de ce que estoit due aux derniers roles, quant la peste se print en la maison dudit Morin, et lesdits restes bailles et reconnues à Estienne Sauignes et Lancelot Choul (f° 88. V°).

Plus troys liures et huict solz et troys deniers pour plusieurs despences faictes par ledict Morin, tant pour despense faicte pour le procès de la foire, contre Mons^r de la Vallete, que aussi pour pourter vne lettre à Mons^r le

(10) Noms des portes de la ville.